

KANTONALNO TUŽILAŠTVO KANTONA SARAJEVO

Ul. Radićeva broj 6
71000 Sarajevo

Босна и Херцеговина - Федерација Босна и Херцеговина
КАНТОНАЛНО ТУЖИЛАШТВО КАНТОНА САРАЈЕВО
Босна и Херцеговина - Федерација Босна и Херцеговина
КАНТОНАЛНО ТУЖИЛАШТВО КАНТОНА САРАЈЕВО

PRIMLJENO/PRIJAVENO 11-04-2011	
Org. jed. Obr. jez.	Vrijednost

PODNOŠILAC PRIJAVE:

SINDIKAT MAŠINOVOĐA-STROJOVOĐA u FBiH,
zastupan po predsjedniku Vernesu Buljugiji, iz Sarajeva, Put života br.2.

Na osnovu člana 229. i 230. Zakona o krivičnom postupku (Sl.novine F/BiH, br.35/03), podnosimo:

KRIVIČNU PRIJAVU

protiv:

1. **NEDŽADA OSMANAGIĆA**, generalnog direktora JP Željeznice FBiH d.o.o. Sarajevo, iz Sarajeva,
2. **PAVE BOBANA**, predsjednika nadzornog odbora JP Željeznice FBiH d.o.o. Sarajevo, iz Sarajeva,

zato što:

su počinili krivično djelo iz člana 280. i 383. Krivičnog zakona FBiH. Okrivljeni su **dana 14.10.2010.god.** donijeli Pravilnik o VIII izmjenama i dopunama Pravilnika o radu, br. NO-6070-14.1/10, koji je donesen van utvrđene zakonske procedure, bez konsultacija sa sindikatima i **sa utvrđenim izmjenama koje su u suprotnosti sa odredbama Zakona o radu, odredbama Općeg kolektivnog ugovora za teritoriju FBiH i Kolektivnog ugovora željezničara Federacije BiH.**

Navedenim pravilnikom (član 2) utvrđena je najniža satnica u iznosu od 1,75 KM, članom 3 je uvedena odredba koja omogućuje da se uposleniku plata može umanjiti za 30 %, a članom 4 da zaposlenici imaju pravo na regres za godišnji odmor u iznosu od 50 % prosječne neto plate, pod uslovom da poslodavac nije prethodnu godinu poslovao sa gubitkom.

Donošenjem nezakonitog Pravilnika za oko 4.000 radnika došlo do smanjena plata za preko 10 % i uskraćeno im je pravo na regres.

Zbog donošenja spornog Pravilnika došlo do učestalih obustava rada, zakazivanja generalnog štrajka, uvođenja radne obaveze i sl.

Okrivljeni su više puta pozivani da sporni pravilnik stave van snage, međutim oni su to odbijali uz obrazloženje je sporni Pravilnik donešen na osnovu Kolektivnog ugovora o izmjenama kolektivnog ugovora željezničara FBiH, koji je objavljen u

Službenim novinama FBiH br.68 od 20.10.2010.god., a što je u potpunosti netačno, obzirom da je Pravilnik donešen 6 dana prije nego što je objavljen Kolektivni ugovor o izmjenama kolektivnog ugovora željezničara FBiH, i prije nego što je stupio na snagu (član 4. Kolektivnog ugovora).

Sporni Pravilnik je u potpunoj suprotnosti sa Zakonom o radu i Općim kolektivnim ugovorom.

Naime, članom 3. stav 2. Općeg Kolektivnog ugovora je definisano:

- *"Kolektivnim ugovorom na razini područja djelatnosti, pravilnicima o radu i ugovorima o radu, ne mogu se utvrditi manja prava za zaposlenike od prava utvrđenih ovim kolektivnim ugovorom."*


Vlada FBiH je donijela Odluku V broj 290/08 od 15.4.2008.god. (Sl.novine FBiH, br.22/2008) o utvrđivanju najniže satnice u Federaciji BiH, a na osnovu člana 9. Općeg Kolektivnog ugovora na teritoriji FBiH, **tako da je najniža neto satnica 1,95 KM.**

Iz svega navedenog proizilazi da opravdano smatramo da postoje osnovi sumnje da su okrivljeni počinili krivično djelo povrede prava iz radnog odnosa iz člana 280. Krivičnog zakona FBiH, jer je donošenjem nezakonitih izmjena Kolektivnog ugovora željezničara FBiH za oko 4.000 radnika došlo do smanjena plata za preko 10 %. Takođe, sasvim je izvjesno da su opravdane sumnje da su okrivljeni počinili i krivično djelo zloupotrebe položaja ili ovlašćenja iz člana Član 383. Krivičnog zakona FBiH prekoračivši granice svoje službene ovlasti čime su povrijedili prava iz radnog odnosa svim zaposlenima u JP Željeznice FBiH i svim zaposlenima nanijeli ogromnu materijalnu štetu.

U cilju prvođenja postupka tražimio da se izvrši:

- Uvid u Opći kolektivni ugovor za teritoriju FBiH (Sl.novine FBiH br.54/05),
- Uvid u Pravilnik o VIII izmjenama i dopunama Pravilnika o radu, br. NO-6070-14.1/10,
- Uvid u Odluku Vlade Federacije FBiH o utvrđivanju najniže satnice u Federaciji BiH Odluka V broj 290/08 od 15.4.2008.god. (Sl.novine FBiH, br.22/2008),
- Uvid u Kolektivni ugovor željezničara FBiH (Sl.novine FBiH, br.11/07),
- saslušanje predsjednika sindikata Munira Spahića, Vernesa Buljugija i Igora Bobana,
- saslušanje okrivljenih.

Sarajevo, 04.04.2011.god.



Podnosilac prijave:

Vernes Buljugija

KANTONALNO TUŽILAŠTVO KANTONA SARAJEVO

Ul. Radićeva broj 6
71000 Sarajevo

Bosna i Hercegovina - Federacija Bosne i Hercegovine
KANTON SARAJEVO
KANTONALNO TUŽILAŠTVO KANTONA SARAJEVO
Босна и Херцеговина - Федерација Босне и Херцеговине
КАНТОН САРАЈЕВО
КАНТОНАЛНО ТУЖИЛАШТВО КАНТОНА САРАЈЕВО

PRIMLJENO/ПРИМЉЕНО	11-04-2011			
Org. jed./Орг. јед.	Служба за пријаве	Служба за истрагу	Служба за одлучивање	Vrijednost Dostupnost

PODNOŠILAC PRIJAVE:

SINDIKAT MAŠINOVOĐA-STROJOVOĐA u FBiH,
zastupan po predsjedniku Vernesu Buljugiji, iz Sarajeva, Put života 2.

Na osnovu člana 229. i 230. Zakona o krivičnom postupku (Sl. novine F/BiH, br.35/03), podnosimo:

KRIVIČNU PRIJAVU

protiv:

1. **NAILA ŠEČKANOVIĆA**, bivšeg ministra prometa i komunikacija FBiH, iz Sarajeva, i
2. **IZETA MEHINAGIĆA**, bivšeg pomoćnika ministra prometa i komunikacija FBiH, iz Sarajeva,

zato što:

su počinili krivično djelo iz člana 280. Krivičnog zakona FBiH, kao i iz člana Član 32. istog zakona.

Dana 14.10.2010.god. Federalno ministarstvo prometa i komunikacija, koje su zastupali ministar Nail Šećkanović i njegov pomoćnik Izet Mehinagić, su sa Samostalnim sindikatом željezničkih radnika u BiH, koje predstavlja Munir Spahić, i Samostalnim sindikatом izvršnog osoblja područja infrastrukture ŽFBiH, koje je navodno zastupao Zejneli Ismail, potpisalo Kolektivni ugovor o izmjenama Kolektivnog ugovora željezničara Federacije Bosne i Hercegovine. Navedenim izmjenama izmjenio se Kolektivni ugovor željezničara FBiH na način da je u članu 89. stav 2. najniža satnica u iznosu od 1,94 KM zamjenjena iznosom od **1,75 KM**, i došlo je do izmjene člana 103. koji se odnosi na isplatu regresa i njegova isplata je uslovljena poslovanjem poslodavca, pri čemu je došlo do promjene visine regresa.

Izmjene Kolektivnog ugovora su se imale primjenjivati retroaktivno, počevši od 01.10.2010.god.

Navedene izmjene Kolektivnog ugovora željezničara FBiH donešene su u nezakonitoj proceduri i u potpunoj suprotnosti sa Kolektivnim ugovorom željezničara

Federacije Bosne i Hercegovine, Zakonom o radu i Općim Kolektivnim ugovorom na teritoriji FBiH, pri čemu su drastično prekršene odredbe članova 121., 122., 123 i 139. Kolektivnog ugovora željezničara FBiH.

Naime, član 139. Kolektivnog ugovora željezničara FBiH definiše da se izmjene i dopune Kolektivnog ugovora vrše na način i po postupku propisanom za njegovo zaključenje.

Sporne izmjene nije potpisao Sindikata mašinovoda-strojovođa FBiH, koji je jedan od potpisnika Kolektivnog ugovora željezničara FBiH iz 2006.god., a u ime Samostalnog Sindikata izvršnog osoblja područje infrastrukture ŽFBiH izmjene Kolektivnog ugovora je potpisala osoba koja nije imala nikakva ovlaštenja ovog sindikata, uz ovjeru sa falsifikovanim pečatom i davanjem nepostojećeg broja protokola. Samim tim grubo su prekršene odredbe Kolektivnog ugovora željezničara koje definišu način donošenja njegovih izmjena.

Podnosilac ove prijave posebno ističe da Kolektivni ugovor o izmjenama Kolektivnog ugovora željezničara Federacije Bosne i Hercegovine u potpunoj suprotnosti sa članom 3. Općeg Kolektivnog ugovora za teritoriju FBiH.

Naime, članom 3. stav 2. Općeg Kolektivnog ugovora je definisano:

- "Kolektivnim ugovorom na razini područja djelatnosti, pravilnicima o radu i ugovorima o radu, **ne mogu se utvrditi manja prava za zaposlenike od prava utvrđenih ovim kolektivnim ugovorom.**"

Vlada FBiH je donijela Odluku V broj 290/08 od 15.4.2008.god. (Sl.novine FBiH, br.22/2008) o utvrđivanju najniže satnice u Federaciji BIH, a na osnovu člana 9. Općeg Kolektivnog ugovora na teritoriji FBiH, **tako da je najniža neto satnica 1,95 KM.**

Isto tako, primjena spornih izmjena je utvrđena retroaktivno od 1.10.2010.god., a da nije bilo zakonskog utemeljenja za to.


U cilju zaključenja navedenih izmjena Kolektivnog ugovora željezničara FBiH okrivljeni su od Zejnela Ismaila tražili da napravi lažni pečat Samostalnog sindikata izvršnog osoblja područja infrastrukture ŽFBiH, a što je on i uradio i sa ovim krivotvorenim pečatom, bez ikakvih ovlaštenja, uz direktno podstrekavanje od strane okrivljenih, on je potpisao sporne izmjene i ovjerio ih sa lažnim pečatom sindikata.

Iz svega navedenog proizilazi da opravdano smatramo da postoje osnovi sumnje da su okrivljeni počinili krivično djelo povrede prava iz radnog odnosa iz člana 280. Krivičnog zakona FBiH, jer je donošenjem nezakonitih izmjena Kolektivnog ugovora željezničara FBiH za oko 4.000 radnika došlo do smanjena plata za preko 10 %. Takođe, sasvim je izvjesno da su opravdane sumnje da su krivljeni počinili i krivično djelo podstrekavanja iz člana 32. ovog zakona.

U cilju prvođenja postupka tražimio da se izvrši:

- Uvid u Opći kolektivni ugovor za teritoriju FBiH (Sl.novine FBiH br.54/05),
- Uvid u Odluku Vlade Federacije FBiH o utvrđivanju najniže satnice u Federaciji BiH Odluka V broj 290/08 od 15.4.2008.god. (Sl.novine FBiH, br.22/2008),
- Uvid u Kolektivni ugovor željezničara FBiH (Sl.novine FBiH, br.11/07),
- Uvid u Kolektivni ugovora o izmjenama kolektivnog ugovora željezničara FBiH (Sl. novine FBiH br.68/10),
- saslušanje Zejnela Ismailija, Munira Spahića, Vernesa Buljugije i Igora Bobana,
- saslušanje okrivljenih.

Sarajevo, 04.04.2011.god.



Podnosilac prijave:

Vernes Buljugija